





第五六〇册

四庫全書

●上海古籍出版社

本冊目次

四川通志(二)

清黃廷桂等監修
張晉生等編纂……………一

欽定四庫全書

吏部
四川通志卷十七

詳校官監察御史臣李陽樞

檢討臣德生覆勘

總校官編修臣王燕緒

校對官助教臣劉景岳

謄錄監生臣陳賓

欽定四庫全書

四川通志卷十七

屯田

黃帝立丘井出則荷戈入則振旅兵民本合一也
自阡陌開而兵農始分矣漢文用鼂錯言募民實
塞下趙充國金城之役屯牧湟中屯田之制於斯
肇舉其屯於蜀中者歷代有之蓋均其衆以壯邊
衛上無養兵之費下無供邊之勞不可謂非制之

欽定四庫全書

四川通志
卷十七

得也顧蜀中明季被兵土滿而曠幸際我

朝太平日久生齒繁而疆隅闊野無隙地軍有餘糧
士飽馬騰之象已不必更議屯田而兵食固弗允
足又何庸強介冑之士責以耒耜為哉然則相地
度時固不得與李通之屯順陽諸葛之屯渭水同
日而語矣作屯田志

宋高宗紹興五年詔淮南川陝荆襄屯田紹興七年
以川陝宣撫吳玠治廢堰營田六十莊計田八百

五十四頃歲收一十五萬石以助軍儲詔獎諭焉
度宗咸淳三年詔除淮蜀湖襄之民所種屯田租
舊欠并除之復催者以違制論

元世祖四年勅鞏昌總帥汪惟正戍青居軍還屯利
州

至元二年命四川行院分官屯田十一年置西蜀
四川屯田經略司遣瀘州屯田軍四千轉漕重慶
十六年以巴哈行西川樞密院事總兵入川平宋
諸城之未下者調兵守釣魚山寨屯田

欽定四庫全書

四川通志
卷十七

二

明正統元年奏准各處屯種每軍止徵餘糧六石二
斗令各處軍職舍人除應襲外每五丁撥地四十
二畝耕種照例辦納籽粒二年今各都司衛所管
屯官三年滿日造冊二千里以裏赴京比較二千
里以外從按察司並巡按御史比較又令四川都
司衛所屯種水田者納米陸地者納豆八年添設
提督屯田倉事以崇理之

隆慶二年命大臣分督屯田一往江北兼山東河
南一往江南兼浙湖雲貴一往河東兼四川諸衛
所

欽定四庫全書

四川通志
卷十七

三

萬曆六年四川各衛所屯田通共四萬八千八百
四分零一十畝三分五釐二毫三絲四忽八微成
都右等二十二衛所各項屯田每二十四畝為一
分共三萬九千五百九十四分零一十畝三分五
釐一毫三絲四忽八微原額屯田一萬二千六百
三十四分零八畝五分三釐六毫新增屯田一萬
八千九百六十一分零二畝三分九釐八毫遺失
清出田一千二百四十八分零二十畝四分四釐
四毫四絲額外屯田八百七十五分零二十二畝
五分三釐二毫四絲八忽屯糧各項每分徵糧六
石通共糧二十九萬四千三百三十九石四斗九
升五合六勺三抄一撮八圭一粒二粟成都右等
二十二衛所各項屯糧共二十三萬九千七十九

石四斗九升五合七勺三抄一撮八圭一粒三粟
原額糧七萬五千八百六石一斗三升四合新增
糧一十一萬三千七百六十六石五斗九升九合
五勺遺失清出糧七千四百九十三石一斗一升
一合一勺額外糧五千二百五十五石六斗三升
三合一勺二抄今成都右等二十二衛荒廢建昌
五衛改軍為民

皇清順治七年四川巡撫李國英

欽定四庫全書

四川通志
卷十七

題為蜀疆屯政肇舉兵民少濟奇荒仰祈

聖鑒事案照順治五年七月內准督餉部臣王來用咨准

戶部咨先該臣奏為兵民以食為天屯田安川本

計等事一疏請蒙

聖恩允撥濟川牛種銀五萬兩隨行委守東道臣袁一相

臣標參將王述宗赴泰接領買過泰牛一千二百

七十三隻籽種白米粟米黃豆小麥共四千九百

二十四石五斗一升內除水手人夫解官員役支

過口糧六百六十九石九斗實到保寧倉四千二

百五十四石六斗一升陸續解運入川并買本地

籽種穀豆雜糧共二百一十四石一斗二升八合

行布政司轉發保寧順慶龍安潼川等府州縣兵

民就地開墾耕種又經查取順治六年分收獲屯

租數目冊報去後今據該司呈稱蜀省頻經荒亂

公私交罄新舊介士之芻粟概仰給於秦其轉輸

之苦輓運之勞耗費虧折難以縷指本院撫輯殘

欽定四庫全書

四川通志
卷十七

黎躊躇本計緩之無以養士急之又恐厲民特疏

請發牛種開屯蒙

聖恩重念蜀困

俞發帑銀五萬兩本司遵奉憲檄移會守東道袁一相參

將王述宗往泰接領就便採買牛隻籽種官糧石

布政吳允茂專任督催保順龍潼各屬量地聚民

招徠開墾牛種陸續運至隨交院鎮司道府縣給

發兵民且耕且戰統為布分畫一遵行順治六年

分迥經始之初領種有先後不同籽種完納有多寡不等計一歲之入除原發牛種尚存兵民外共得稻粟穀豆雜糧府斗六千八百九十四石四斗八升三合折算京斗六千三百四十四石七斗七升四合零此則六年分所收之數也伏乞撫都院移咨報部特賜具題雖涓滴無補於高深然在匱乏時升合皆膏澤也備細逐一造冊開報等因到臣據此該臣逐細查明看得蜀地赤野荒殘招徠無術因於受事之初嘔心區畫思所以還定安集之圖故特請頒牛種贍給開屯以資本計蒙

恩需發銀五萬兩委官買運前項牛種交給布政司臣王原撫查收清楚酌發保寧順慶龍安潼川等屬兵民結廬墾種一以使流離風鶴堅其戀土之心一以使枵腹窮兵少救呼庚之苦

聖恩深厚軍民咸被如天矣及查前項牛種自秦至蜀解運良艱向來隨到隨給前後之領種不齊因而量

縮酌盈蝕祖之多寡亦異查據順治六年分發兵民領過牛九百三十七隻內除司道各官領牛六十一隻因蜀中無從編徵俸薪莫措故權令自耕以資養廉又除龍安於六年五月領牛二十隻播種適時應於順治七年承租又綿州領牛三十隻因地荒民少止給民二十隻承租尚存寄養十隻順治六年分實在承租牛八百二十九隻支白米折算籽種連粟豆雜糧共計一千四百九十五石八升民屯共收租稻粟豆雜糧五千八十石兵屯共收租稻粟豆雜糧計一千八百一十四石四斗八升三合適算順治六年兵民二屯共收租稻粟穀雜糧府斗六千八百九十四石四斗八升三合折算京斗米六千三百四十四石七斗九升四合零陸續接濟六年分軍需訖尚有剩存牛隻交保順二府寄養見經陸續招佃給發開屯俟七年終彙報其剩存籽種因六年夏秋官兵糧餉匱絀動

支接濟統入兵糧冊內另行報銷此雖臣同按臣與司道守令諸臣勉力舉行悉心區置俾仇離少獲生金寶

聖上軫念窮荒隆恩再造之所致也除將買過牛種銀五萬兩并六年分按例收獲屯租細數逐一另冊咨部外今據該司詳報前來臣謹會同按臣張璠合詞具

題

欽定四庫全書

四川通志
卷十七

康熙六年四川總督苗澄

題為革弊務窮其所由興利必圖其可久敬陳管見仰祈

睿鑒採擇事康熙五年內兩經部覆奉

旨依議欽此備咨到臣隨即備咨撫提二臣及行布政司酌議去後於康熙六年閏四月初四日據布政司呈詳到臣該臣看得蜀省自屠戮以後百里之內幾絕人烟凡兵丁駐劄之處無不有肥美之地可

墾則耘播緝防其功固可並奏而無礙也古人行

師有虞兵食不繼而分半屯田且耕且戰豈有古

人能行於軍旅方殷之際而今人獨不能行於休

兵罷戰之日乎臣是以再四思維通盤打算除提

標官兵有節制通省居重馭輕之勢未便分撥又

建昌一鎮及松潘漳臘小河龍安茂茂疊溪平番

石泉黎雅等營路俱設在極邊不便輕為抽撥且

駐劄之地俱屬不毛難議開種又如永寧一鎮併

欽定四庫全書

四川通志
卷十七

建武馬邊大壩龍場義邊潼綿順合等營額設兵

丁無幾俱難議抽屯外今酌擬於重慶鎮撥步守

兵八百四十名遵義鎮撥步守兵二百名川北鎮

撥步守兵六百名水師鎮撥步守兵一千名重慶

城守營撥步戰守兵七百五十名成都城守營撥

步戰守兵六百名叙馬營撥步守兵三百四十名

通巴營撥步守兵二百名仁懷營撥步守兵二百

名黔彭營撥步戰守兵三百四十名達州營撥步

戰守兵三百四十名巫山營撥步戰守兵三百四十名昌寧營撥步守兵三百四十名太平營撥步戰守兵一百六十名以上共計抽撥屯兵六千二百五十名再照臣標三營亦有節制全省居重馭輕之勢但駐劄重慶與重慶水師二鎮相近分布頗周亦應抽撥七百五十名共七千名應查其駐劄處所如逼近邊隘而田地沃衍者即於本處開墾要不致貽誤地方也至興屯所入之數約一

欽定四庫全書

四川通志
卷十七

人可以耕田五畝每畝約可收穀三石每穀一石約可得淨米四斗計一人五畝所入歲可得淨米六石通計七千人每歲可入淨米四萬二千石此興屯所入之數也至屯本一項計二人耕田四十畝應合用水牛一隻農具一付籽種一石通計七千人應用水牛三千五百隻農具三千五百付籽種三千五百石其價值計水牛每隻應用一十四兩農具籽種每石付各應用一兩通計應需五萬六

千兩此應用屯本之數也惟是錢糧不敷之際此項屯本若必請戶部撥給未免又費一番措置而往返查議之間不免稽延日月今酌一不煩部撥不費司帑而出入無二之法以候

審裁焉蓋蜀省額兵四萬名每歲約需口糧米十二萬石及查蜀省每年本色徵需糧米可支兵食者通計不及二萬石其餘非發銀召買即係以四錢三分京斗折給而此項召買折給銀兩每歲皆係戶

欽定四庫全書

四川通志
卷十七

部於頭年估計撥發者但部內係按年全撥而在外係逐月支銷則此項部撥米折銀兩固於春夏之時強半尚存司庫而未動也今興屯在春而秋間即可坐收興屯之米計屯本共需五萬六千兩不若徑於來歲米折銀內動支給發而將秋收所得屯米四萬二千石即支來歲秋冬兵食徑照例以四錢三分京斗算作折色奏銷則恰銀五萬六千兩適足原發屯本之數除本年所收屯米折

價已完本年所發屯本外以後

朝廷每年坐收興屯四萬二千石之米歲可省戶部撥給折色銀五萬六千兩其於

國計軍需似亦有小補也再照抽屯各兵大約俱在汛防處所開種即令該鎮營原管將升俱各兼董其事不但耕守無歧抑且臂指相習似不必另設分理之員以致糜費而滋擾也即間有一二地方硠瘠須調赴成都開墾者亦只須於本營中遣一

欽定四庫全書

四川通志

卷十七

諳練老成之千把管押監督同往無煩另設多事至於清疆界而禁紛爭辨肥硠而察勤惰與夫種種應行事宜又在臣與該管營弁併鄰近開屯地方之有司隨時斟酌損益務得其宜而不敢一一上塵

清聽也但恒情可與樂成難於創始今一旦以介冑之夫令親耒耜其間不無視為苦難今既決意舉行更祈

皇上勅部嚴立勸懲之法如抽屯各鎮營內就近兼屯務

各官有不實心任事借端推諉以致貽誤者經臣指叅作何從重議處以為慢上悞公之戒若三年內屯務修舉克勤固懈經臣

題報作何從優議叙以示獎勵庶幾勸懲明而人知自奮將充國金城之效不難再見今日矣

巡撫四川都察院右副都御史張德地

題為革獎務窮等事康熙七年十一月初八日據四

欽定四庫全書

四川通志

卷十七

川布政司郎廷相呈稱奉本院案驗准戶部咨四川清吏司案呈奉本部送戶科抄出本部覆四川總督苗澄題前事等因奉

旨該部議奏欽此欽遵抄出到部該臣等查得蜀省營兵屯種一事先據四川總督苗澄酌議於重慶等鎮共抽兵七千名開墾將秋收所得屯米四萬二千石即支來歲秋冬兵食以後每年可省部撥折色銀五萬六千兩業經臣部覆准奉

旨遵行在案今據該督疏稱

俞旨到川之日已踰仲春播種之期請於來歲舉行等因

前來但查該督先題疏內已稱屯種事宜俱逐一
分晰明確自應於文到舉行二月內既已文到三
月即可耕種且正值耕種之時稱已逾期來歲舉
行不合其中恐已經耕種藉稱未經耕種亦未可
定相應仍照前

旨遵行可也等因奉

欽定四庫全書

四川通志
卷十七

四

旨這四川田地若以為全經墾種不給所食錢糧如實未
耕種兵丁何賴以生果否耕種著再察明具奏欽此欽
遵抄出到部該臣等查得二月內既已文到正當
耕種之時並未逾期且伊疏稱已將布政司解到
銀兩照數買備牛隻農具籽種分發各兵等語如
果逾期應於文到即行具報且將牛隻農具籽種
等物已經分發何至四月終始稱逾期具題推此
則因伊身離任徇情具報亦不可定相應請

勅該督撫仍照前

旨遵行可也等因奉

旨前苗澄稱照伊所請二月內既已文到牛隻籽種已發
兵丁後又稱踰期兵丁不及開墾前後參差今若照屬
部所議不給錢糧兵丁如實未開墾何賴以生著行文
該撫將部文到日實係開墾與否察明到時將苗澄一
併察議具奏欽此欽遵抄部送司案呈到部移咨到院
轉行到司隨移提督併咨行各鎮營路去後除各
鎮回報繁文不贅外今准提督照會內開該本提
督看得抽兵屯田利賴軍國諒叨蜀帥敢不殫心
及將部文奉

欽定四庫全書

四川通志
卷十七

五

旨播種踰期並兵丁實未開墾不給錢糧何賴以生事宜
咨行各鎮營確查去後茲據各回稱前督苗部院
於康熙七年二月內准到部文通行各鎮營承領
牛種農器因四川地方遼濶奉行在三月及差人
赴重承領回日往返耽延又在五六月不等不但

時已踰春而且夏季將盡康熙七年分是以實未開墾也至於兵丁既未開墾錢糧仍舊支給誠有如

皇仁體恤之至意乃各鎮營嚴責將領督率屯兵芟草開

荒預為康熙八年分興屯之計不料各兵身親南畝以荷戈之夫荷鋤非其所長欲耕不能即強耕無益勢必兵農兩悞紛紛泣訴處處皆然且謂全川四面環夷其中百里無烟彈壓防禦差使護餉

欽定四庫全書

四川通志
卷十七

五

民舖未設安塘遞送盡係兵丁兵農勢難兼顧恐致貽悞地方各鎮營身任封疆目擊各兵不能開屯之狀不得不據實陳請代為控額者也本提督再四思維前督苗部院抽兵七千名開屯原取其銷兵省餉今以素不耕獲之人而欲求以耕獲之利恐兵徒銷而餉不可省何如就事變通從長酌議之為得也以本提督管見計之與其抽兵七千人日後兵農兩悞莫若度全川稍緩之地量為裁

汰其可裁汰者共計缺額並實在官兵一千七百餘員名馬八百八十餘匹俸餉乾米操賞等項每歲共減出銀五萬六千三百有奇是上可有裨於國計下亦無悞於地方似於銷兵省餉之廟謨庶可少佐其萬一云爾倘荷

俞允仍行各鎮營將原領牛種農具如數變價還官所有本提督前具題移緩就急一疏議裁重慶城守營馬兵改戰戰兵改守撥補提標潼綿等營缺額將

欽定四庫全書

四川通志
卷十七

五

該標營缺額同前後議抽建武重慶等鎮營缺額兵丁移付建昌六汛召募並今裁水師各鎮營官兵馬匹裁兵減餉細數另冊移送係關錢糧事務煩為查照備移事理希即轉呈撫院主稿具題至於裁出見兵除水師鎮原係投誠兵丁應仰體朝廷安插得所之

旨照發原籍編里為民其各鎮營裁出見兵二百四十餘名撥付缺額營伍頂補食糧裁出馬匹查各鎮營

有倒斃者撥發騎操並裁缺遊守等官統俟

俞允之日本提督另疏具

題外相應一併移明等因准此該本司覆看得屯田

一案各營本年實未開墾情由已經提督備載甚明惟查屯田出自鎮營軍政取裁提督既以兵不習耕將來無益而有貽誤遂議裁兵減餉因即就事以為變通此必提督灼見兵情確為定議軍機重大誠非本司所敢輕議者然即據見在方議止

欽定四庫全書

四川通志
卷十七

六

屯則從前實未開墾又不問可知也伏乞本院察提督咨移屯田難墾之兵情據各營本年未墾之實覆查前總督原有明歲開墾之檄行憑各屬買備籽種見在儲倉之的証則屯田實未開墾皆為鑿鑿無疑而本司之遵奉行查實非泄泄從事所有備錄提督移送清冊相應一併具詳等因到臣據此又准提督臣咨覆緣由已經備載司詳毋庸贅叙外該臣看得蜀省抽兵屯種先經原任督臣

苗澄具

題部覆奉

旨行臣將部文到日實係開墾與否察明題報等因臣隨

咨移提鎮各營並行布政司星速轉行各屬確查去後屢經嚴催今據布政司郎廷相呈稱部文雖在二月終到川而督臣苗澄提取屯本買備牛隻農器分發承領俱在四五月之間不等是分發承領之日入夏交秋久踰春耕之期矣又各屬發

欽定四庫全書

四川通志
卷十七

九

買籽種成稱見在貯倉俟來春給發則各營今歲尚未領種屯耕也明矣是部文到日實未開墾之確據也又准提臣咨開兵丁既未開墾糧餉仍舊支給乃各營屯兵以荷戈之夫荷鋤非其所長欲耕不諳強耕無益與其抽屯七千人日後兵農兩悞不若度全川稍緩之地量為裁汰每歲共減出銀五萬六千三百有奇銷兵省餉有裨

國計造冊咨題前來臣思撤兵興屯原為兵餉不足

冀將來糧米可以漸增外協可以漸省成屬荒地頗多就此可以漸墾實為殘川要務無奈始經撥舉即有兵不諳農之控將來艱難已可概見川省自兵燹之後土著稀少所以見在各營兵丁皆係外省有自幼從戎而食餉者有隨寇入川而投誠者荷戈持戟是其所長胼手胝足實所未習總計全川田土惟成都一隅稍為平坦其餘皆高山深澗實非外省之人所能措手者今若必照前議行之誠恐兵不習耕土不宜人勢必有種無收既無家室可戀而欲如數徵糧則抵償無策雖欲不逃而不可得也且兵民雜處未免有彼此之分究竟兵此增餉未能而牛種付之烏有或致轉妨民耕亦未可知雖蜀中見在寧謐而邊隅要隘捍衛仍宜周備此提臣恐防禦興屯兩有所悞所以有度稍緩之地量為裁汰每歲可省數萬金之議也臣愚以為提臣久在封疆軍情素悉節首變通誠為

有見若蒙

俞允每歲可實省數萬金之外協而與前議歲增之米數

似乎取效多矣總為通變節費起見統候部議請

自

審裁非臣所敢擅便也除將應裁應補兵馬冊送部查核

外臣謹具

題伏乞

皇上睿鑒勅部議覆施行為此具本謹

欽定四庫全書

四川通志

五

題部議應如所請題奉

俞允

邊防

蜀僻處邊陲界鄰蠻部如叙永重慶巴通水蘭昔時固稱險阻矣至建昌一郡苗獯環居一線羊腸推髻出沒捍衛所宜熟籌若乃松茂威疊之地即古氏羌與西番接壤皆以孤城介在絕域防禦之道尤當加謹焉今

聖天子睿慮神謀超軼百代於各邊要地置營汛以樹藩

籬宣化導以安住牧關防鎮密覲觀潛消所由異域傾心羣番革面來享來王之盛為亘古所莫及也作邊防志

松茂道屬

西番

西番即吐番也其先羌類凡百餘種散處河湟江岷間其酋發羌唐旄等居析支水西後有樊兄

欽定四庫全書

四川通志

五

者西濟河踰積石居跋布川或邏婆川隋開皇中有論贊素居牂牁西唐貞觀二年始通中國代宗大厯十五年十月吐番率衆入寇上令李晟等討平之其先崔寧在蜀十餘年恃其地險兵強恣為淫侈朝廷不能易後因入朝吐番與南詔合兵三道寇蜀州縣多陷上憂之趣寧歸鎮楊炎言於上曰不若留寧發范陽戍兵雜禁兵往擊之何憂不克因得納觀兵於其腹中蜀將必不敢動然後更

授他帥使千里沃壤復為國有是因小害而收大

利也上遂留寧遣李晟等擊破之德宗建中元年吐番乞歸其俘蜀將士言不可歸上曰戎狄犯塞則擊之服則歸之擊以示威歸以示信威信不立何以懷遠悉命歸之是年吐番遣使入貢貞元三年韋臯領劔南節度使吐番寇瀘北臯遣兵擊破之五年復舊州八年攻維州獲其將九年拔吐番五十柵斬首與授產死者無數十七年臯遣將將

欽定四庫全書

四川通志

五

兵二萬出成都西山南北九道並進破吐番於雅州轉戰千里拔城七軍鎮三焚堡百五十斬首萬餘級圍維州吐番遣大相論莽熱將兵十萬往救臯設伏邀之獲論莽熱殺其士卒過半自後西邊寧靖唐末種類分散入內屬者謂之熟戶餘謂之生戶文宗太和四年李德裕為西川節度使作籌邊樓圖蜀地形南入南詔西達吐番日召習邊事者訪以險要未踰月皆若身嘗涉歷乃去屬兵贏

弱者四千人募少壯與北兵得二千五百人與土兵參居轉相訓習日益精練威聲大振吐番首領悉怛謀舉維州來降德裕遣兵守其城且奏其狀帝使羣臣議皆如德裕策而牛僧孺獨謂納降無以示信上然之詔德裕以其城及悉怛謀等歸吐番吐番誅之境上武宗會昌三年德裕言維州據高山絕頂三面臨江在戎虜平川之衝是漢地往來之路自為吐番所陷號曰無憂城得此遂併力

欽定四庫全書

四川通志
卷十七

西邊憑陵近甸故韋臯欲經略河湟以此為始臣到西蜀空壁來歸山西八國皆願內屬可減八處鎮兵坐收千里舊地當時不喜臣者望風疾臣詔送悉怛謀等命彼自戮絕忠款之路快兇虐之情從古以來未有此事乞追獎忠魂詔贈悉怛謀為右衛將軍宋時朝貢不絕其首領嘉勒斯賚始居鄯州後徙青州神宗哲宗高宗朝皆授以官元憲宗始於河州置吐番宣慰司都元帥府又於四川徵

外置碭門魚通黎雅長河西等處宣撫司世祖時

復郡縣其地設官分職以吐番僧人薩巴為大寶

法王帝師領之嗣者數世弟子號司徒國公佩金

玉印者前後相望明洪武間設行都司於建昌無

復南警西邊松茂諸蠻反覆不常十三年遣御史大

夫丁玉討平之召集諸寨首領給以銀鍔俾各守

地方蠻人以為世寶又於東路設八郎麻兒匝芒

兒者阿角寨四安撫司與麥匝者多非定祈命峪

欽定四庫全書

四川通志
卷十七

匝牟力結等一十七長官司俱隸松潘衛南路設長

寧安撫司與岳希達靜州隴木頭三長官司俱隸

茂州疊溪蠻郎二長官司隸疊溪千戶所各降印

信仍立首領一人為土官以世掌之永樂間建立

董卜韓湘等宣慰使司雜谷等安撫司於吐番境

內以統番部其俗尚異瑞故於松潘又立番僧二

人為國師曰商巴曰綽領二人為禪師曰黎巴曰

完卜商巴事道黎巴事佛皆授銀印令撫諭之宣